

IRG ԾՐԱԳՐԻ ԵԶՐԱՓԱԿԻՉ ԿՈՆՖԵՐԱՆՍԸ

© 2018թ. Սահակյան Լ.

2017թ. հոկտեմբերի 25-27 Ուկրաինայի Գիտությունների Ազգային Ակադեմիայի, Կիևի Ս.Ի. Մուրբոտինի անվան Գեոֆիզիկայի ինստիտուտում տեղի ունեցավ Հայ-ֆրանսիական գիտական համագործակցության շրջանակներում անցկացվող միջազգային փորձագիտական խմբի (IRG) կողմից իրականացվող «Փոքր Կովկասի լեռնաշղթայի երկրադինամիկական զարգացումները՝ ազդեցությունը բնական ռեսուրսների, ակտիվ տեկտոնիկայի և ռիսկի վրա» թեմայով ծրագրի եզրափակիչ կոնֆերանսը:

Կոնֆերանսին մասնակցում էին ծրագիրը կատարող երկրների՝ Հայաստան, Վրաստան, Ադրբեջան, Ուկրաինա, Ռումինիա, Ֆրանսիայի ներկայացուցիչները: Հայկական կողմից Ե.Գ.Պ. Ա. Ավագյանը (երկու զեկուցում) և Ե.Գ.Թ. Լ. Սահակյանը հանդես եկան համապատասխանաբար՝ «Արարատյան գոգավորության տեկտոնիկան» ու «Նախապատմական մարդու վկայությունները երկրաշարժերի մասին» և «Էոցենի մագմատիկ ապարների երկրաքիմիական ուսումնասիրությունները և երկրադինամիկ պայմանները» զեկուցումներով: Գիտաժողովի նյութերը տպագրվել են Ուկրաինայի Ազգային Ակադեմիայի «Геофизический журнал» ամսագրում՝ 2017, т. 39, N 4, с. 77-124. <http://journals.uran.ua/geofizicheskiy/>:

Տեղի ունեցավ դաշտային էքսկուրսիա՝ Ուկրաինայի բյուրեղային հիմքի հյուսիսային հատվածում գտնվող հայտնի ռապակիվ-գրանիտ-անորթոգիտային Կոռոստենի պլուտոնի տարածքում:

Քննարկվեցին հետագա, համատեղ ուսումնասիրությունների հնարավորությունները: